

QUÆSTIO MEDICA.

QUODLIBETARIIS DISPUTATIONIBUS MANE DISCUTIENDA

IN SCHOLIS MEDICORUM. DIE JOVIS XVIII NOVEMBRIS MDCCXVII.

M. NICOLAO LE TELLIER, DOCTORE MEDICO, PRÆSIDE.

An Rheumatismi affectibus Diaphoretica?

QUAMVIS corpus humanum non sit rudis indigestaque moles, sed concinna variis organis instructa Machina ad varias functiones obtundas mirè parata, nihilominus iners jaceret, nisi ex solidorum & fluidorum congruâ & simetricâ compositione constaret, & nisi ab illis functionum integritas servaretur. Dùm vari ejus humores ab expedito, perenni, & æquali partium solidarum & fluidarum motu per vasa feruntur, assiduo tritu commoluntur, ex iis æbita fit excernendorum secretio. Sed cùm de corporis substantiâ plurimum quotidie depereat, partim visibilium excrementorum exclusione, partim vaporum insensibilium transpiratione, ut illa tam solida quàm fluida partes ad munia servanda refarciantur, sanguinis circuitum per omnes corporis partes apprimè natura instituit: illius cursu fuci nutritii corpuscula per intimos recessus intronituntur, & quæ molis ac figuræ magis fuerint congrua, substantiam partis in quâ quiescunt adaugent, & consumptis prius illius partis moleculis substituta, illarum eorum recessu damnum resarciunt. Locum suum quodque tuetur, inquit Venerandus Senex; & quæ quidem ad minus tendunt, in minorem locum secedunt; quæ verò ad majus proficiuntur, commixta in majorem classem transeunt; externa verò neque ejusdem generis, ex alienâ regione pelluntur, neque enim potest quod non est ejusdem generis, in loco minimè sibi conveniente permanere, vagantur si quidem non agnita, invicem verò permixta simul cognoscuntur, conveniens enim cum conveniente coheret, quod autem minimè convenit, dissidet & pugnat, & à se invicem discrepat. Sic functionum animi & corporis vires non solum versantur in laudabili partium simularum sive simplicium temperie, legitimâ organicarum sive compositarum structurâ, ambarumque unione, sed & in convenienti vaporum oscillo sanguinisque motu circulari; quo cessante, præpedito, aut quavis ratione perturbato, illa pervertitur. Inde liquet quanti sit ad sanitatem momenti secretionibus suum perpetuè servari tenorem, quot ataxias excitare poterit cohibita perispiratio. In Rheumatismi affectibus ubi pro variorum qui inspiantur humorum indole aut conflictu, vel ne vix solubiles obstructions à coercitâ transpiratione oboriuntur, vel fuci perturbati retinentur, omnia sunt movenda ut secretio Diaphoreticis promoveatur.

PARTICULIS superfluis aut minù aptis continuò eliminandis, natura varias instituit vias; sic bilem excrementiciam, pancreatis, & glandularum intestinalium succos crassiores cum ineptis alimentorum particulis per alvum ejicit, per semitas urinarias urinam, tum quæ ventriculi & vesicæ apertica penetrat, tum quæ per tramitem circulationis secretoria Renum vascula transit. Denique per amplissimam perispirationis viam non solum in glandulis subcutaneis, sed etiam in ipsius cutis aliorumque integumentorum poris apertis, halitus quamplurimos eliminat. Transpiratio lenta ac mitis subtilem auram insensibilem efflat, crassior sensus ferit, & in guttulis sudoris abie. Utriusque hujus excretionis materia ejusdem indolis est, gradu solum consistentiæ diversa. Imò notandum valde inter se convenire transpirationis, sudoris atque urine secretionis. Perispirationis & sudoris materiam sanguinis arterioles fero deberi suadet, in gens cum sale urinoso affinitas, & demonstrat sudoris falsedò manifesta & pruritus sæpius inde exortus. Quamobrem si iusta succorum attenuatio facillique eorum transitus, transpirationum vaporum secretioni non respondent, si eorumdem materia non satis fluida lento passu procedat, atque in ostiis hærens acorem contrahit nervos irritans, muscularum fibras crucians, vel poros infarciens; Rheumatismo faciem præbet. Hic affectus atrocissimo dolore nunc artus omnes nunc quosdam afficit, modò partes rubescunt & tumescunt, modò rubor & tumor evanescunt, febris sensum evanescit, manente dolore, quin & aliquandò immanius sævient. Nonnunquam ex capite distillat humor, & quidem interdum in nares quod lene est, aliquandò in fauces quod pejus est, subinde in pulmones quod pessimum est. Si in nares distillaverit, tenuis per has piritus profluit, caput leniter dolet, frequentia stertimenta resonant; si in fauces, has exasperat tussilicquæ movet; si in pulmonem, præter stertimenta & tussim, est etiam capitis gravitas, lassitudo, sitis, æstus, biliosa urina. In lumbagine Rheumaticâ immanis dolor adest, circa lumborum regionem fixus, nephritici mentiens, nisi quod nausæ vomitusque non adint, perpetuâ corporis agitatione ac mutatione situs ægrotum lacefcens, cujus sanguis plevriticorum ferè similis: verum nimis longum foret omnia recensere symptomata perispirationem impediendam arguenda.

QUANQUAM varie sint & inter se admodum dissimiles Rheumatismorum causa, pro varia humorum inspianturum, vel evectorum & detenorum indole. Illi præsertim qui in victu delinquant, quorum lubrica est sanitas & morborum injuriis obnoxia, nisi certis vitæ legibus obediant, frequentissimè Rheumatismos incurrunt. Causis tamen universalibus & æquivocis at plurimum suscitantur. Sic alia atque alia æris temperies nos variè afficit, & sanguinis circuitum æquè ac transpirationis halitum promovet, adauget, minuit. Temperatus ær sale balsamico nature amico prægnans sanguinis motum, spiritusque animales instaurat. Aliquoties è contra hyemali præsertim tempestate, ab inspirati æris Borealis miasmatibus, incassantur sanguinis partes, sæpiusque moventur; his partibus ita fixis sanguinis sulphura irretiuntur, tubulorum pororumque meatus coardantur, ac demum obstrudio nascitur. Ab obstrudione autè lancinans & pungens dolor oboritur, & si inclementia æris corpus sudore diffuens, ejusque patentes pororum meatus invadat, ipsos non tantum confringit, sed insuper incussis spiculis humores omnes per quævis vasa quaquaversum valde commover, adeoque mutationes funestas, coagulationem putè aliud quid inferit. Tùm glandulæ miliaræ à figurâ diæ & à situ subcutaneæ, vasa excretoria ad cutis spiracula sive poros spargentes, affluxum humorum non amplius moderantur, nec secretum fluidum transmittunt, sed occluduntur, halituique solito remoram obijciunt. Quæ omnia, ut humor acris, in quibusdam acidus vel salsus, & semper valdè lancinans inter fibras nervas, & circa vasorum angustias atque intercapedines hæreat, efficiunt, febres commovent, ibique à sale defixo acerrimos dolores producant.

NATURA legi motus perpetui mancipata quocumque tempore otii impatiens intus agit, & organa sua movet, ut sanitas conservetur. Ejusmodi organa alia sunt fluida, quæ activa, alia solida, quæ passiva: utrorumque unus consensus, conspiratio una in singulis humani corporis partibus advertitur. Spiritus animalis primum vitæ auditur organum. Dura Meninx inter solida primas tenet, alia solida, nempe musculi, tubuli, glandulæ, ipsaque viscera oculi, latorio motu gaudent, quem à durâ Meninge mutuuntur. Hujus autem motus à spiritu animalium influxu incipit & continuatur. Ab ejus elatere, aërisque elasticitate sanguinis circuitus promovetur, qui quò vegetior eò sanitas felicitior. Spiritus ille pars sanguinis subtilior est & purior, per tenuissimas cerebri glandulas Medullæque oblongatæ & spinalis incernicula separatus, & nervorum ope in omnes partes diffusus, ad omnes corporis motus, ad nutritionem, & ad sensum functiones obeundas destinatur. Quamvis spiritus sint sanguinis partes defecatores, non tamen ad æqualem volatilitatis gradum in omnibus evehuntur: in aliis sunt agiliores, in aliis crassiores tardiorisque motus; prout latex ex quo eliciuntur subtilior aut crassior fuerit, moles sanguinea ad puritatem & defecationem, nisi succorum, vaporum, halituumque excrementitiorum expulsiōne non pervenit. Omnium igitur secretionum meta ad corporis universi perfectionem est Diaphoresis, illam ægiorem vires adjuvandi modos natura docuit, à motu corporis citiore, laborioso ac diuturno cursu, saltatione, ponderum uestione, tractione & similibus, sudor provocari solet. Experientiâ fureta transpirationem variis etiam modis elicit, vel siccò calore, vel balneo, vel sudorificis sic propriè dictis. Siccus calor est & arenæ calidæ, balnei laconici, clibani solis & quorundam naturalium sudandi artificiorum, ubi à terrâ sursum calidus vapor ædificio includitur. Utilia hæc sunt, quoties humor intus nocet isque digerendus, imò nervorum vitii quibusdam optimè medetur, & infirmis conveniunt, uti sol & exercitatio tantum robustioribus, sed extrâ febrem vel initio morbi, balnei fide simplicis, sive compositi, sive thermalium duplex usus: nam modò diffusis febribus valetudini confert, modò febrem ipsam tollit, ferèque adhibetur ubi febris decrevit, ubi summam cutem relaxari, corruptum humorem evocari, & halitum corporis, ut ita dicam, mutari expedit. Verum antequam Diaphoretica hauriantur, spectare oportet, nam tempora, partese corporis alia, paulum madescant, quæ sudorem venturum esse testentur, ac si aliqua ejus nota est, tunc demum illa dare potui quæ salubria judicantur. Aliquando solum calidæ simplicis, si sudorem per omnia membra diffundit, sufficiens est, si verò impar sit viribus ad discutendam, dissolvendam, & eliminandam ea quæ in mole sanguineâ coiverunt, ad Diaphoretica sic dicta, primis viis, ut decet, expurgatis, & venæ sectione pro viribus ægri instituta propterandum est. Hæc pro variis Rheumatismorum causis, & temperamentis varianda sunt. Si transpiratio morborum Panaceæ fit, Diaphoretica idem sonant, quæ alia præstida admodum superant, atque ex tribus Regnis ad tot curatuum usus tam abundè depromuntur. Alia sunt calida, frigida alia, alia fixa, volatilia, acida & Alkalia diversi generis, item & oleosa, Balsamica, salina, salino-sulphurea, sulphureo-salina, grani, ingrati saporis, acris, amara, salsâ, acerba, insipida, ex quibus infinitæ species compositæ prostant, v.g. Spirituo-salina, atque Spirituo-sulphureæ. Sudorifera quadam plus vel minus dissolventia, Emetica, cathartica, Diuretica, alstringentia, quibus qualitatibus tam primis, quàm mediis & in recessu ultimis non solum ad Rheumatismos sanandos, sed ad quam plurimos affectus conducunt.

AD Rheumatismi dolores sanandos Diaphoretica juxta diversimodam temperamentorum constitutionem eligenda sunt. Communis est eorum indoles, ut ventriculo & intestinis famulentur, nullumque in iis spasnum aut motum excretionis eiant; pleraque cardiacis similia, sunt-que ejusdem sæpè efficacia intus sumpta, spiritus animales suscitant, erigunt, & expandunt, sanguisque recrementa in Diaphoresin adigunt: Alia è contrâ, quamvis sint alioquin sanguini motiva, illum tempestivè fermentando, non minus ad metam curationis collinant, viscida incidunt, ferique superflui excrementa in sudorem aut in halitus insensibiles exolvunt: Alia sunt etiam quæ cum sudoriferis, alstringentibus particulis pollent quæ fibras constringendo, materiam morbosam è parte affecta revellunt, tonumque viscerum restituendo, eam foras expellunt. Denique alia sudorifica sunt salina diversi generis pro selectu, & diversi status, quæ intus sumpta atque salibus aliis tum intrâ viscera, tum intrâ massam sanguineam scærentibus, occurrentia, eosque à particularum aliarum complexibus avocantia, sanguinem reserant ac rarefaciunt, ut particulæ extraneæ per Diaphoresin amandari possint. Sic sanguinis fluiditas naturalis restituetur, succi tenaces in tubulis diè hærenti, meatus crispantes vel occludentes, extrudentur, pulmones aliæque partes suos elatères, motusque oscillatorios reserunt. Hic præstidus sanguis spatium liberius nactus placidè ac sine turba circumagitur, magis dividitur; suntque ejus moleculæ ad secretionem aptiores. Ita glandularum miliarium spiritusdines mollescent, papillarum cutis irritamenta sopiuntur, pororum spiracula patefcunt, tum, quæ mordaces recrementi sanguinei fuligines datâ portâ ruunt, eliminantur, & in auras volant, succedente suavi optato ac perenni saluberrimæ transpirationis halitu, verâ Rheumaticorum Diaphoreticis curatione.

Ergo Rheumatismi affectibus Diaphoretica.

Domini Doctores disputaturi.

M. Claudius Du Cers.
M. Jean-Bapt. Fernelius, in Regiâ Axiomâ Academiâ Socius honorarius.
M. Claudius Vergue.

M. Ludovicus Gaillet.
M. Jean-Bapt. Fernelius, in Regiâ Axiomâ Academiâ Socius honorarius.
M. Jeanes Depuy-Pelhard.

M. Raymondus Jac. Finot.
M. Philippus-Bernardus de Bordesgaray.
M. Jacobus-Simon-Gilles de la Rivière.

Proponat Patris CLAUDIUS BRUNET, Lugdunensis, Baccalaureus Medicus, A. R. S. H. 1717. à sextâ ad meridiem.